

四庫全書

史部

欽定四庫全書

史部

浙江通志卷二百二十五

詳校官給事中臣戴璐

檢討臣德生覆勘

總校官編修臣倉聖脉

校對官學正臣湯垣

謄錄舉人臣周文彬

欽定四庫全書

浙江通志卷二百二十五

祠祀

九

溫州府

永嘉縣

附郭

先農壇 在永寧門外十都

國朝雍正五年知縣羅秉禮奉文建立壇宇并置耜田

四畝九分

社稷壇

萬厯溫州府志立於迎恩門外

舊浙江通志永嘉縣

附郭不別置葉適社稷壇記溫州之社稷昔者莫能詳矣嘉定四年守楊簡始加甃上上十年守輩嶸僉其大門改造齋房築牆百五十堵二公知以義導其民矣古人必樹之木主各以其野之所宜木永嘉之木莫宜於豫章豫雷出地奮也章章之也皆甚美之名也數十百年其大百圍其崇千霄無敢不肅也然後知古之治其國者社稷之臣余之守其地者社稷之守

風雲雷雨山川壇

溫州府志立於永寧門外

郡厲壇

永嘉縣志在來福門外西山

城隍廟

溫州府志在府治西歲以五月望日致祭

永嘉縣城隍廟

溫州府志在開元寺東舊在城南

廂久圯附祀於府明萬厯甲戌邑令劉三宅改縣

東倉故址為廟

赤帝廟

永嘉縣志在海壇山麓

國朝康熙二十年知府王國泰建

大禹王廟

萬厯溫州府志在鎮海門外海壇山下

永嘉縣志宋雍熙間建

東甌王廟

嘉靖浙江通志在華蓋山舊在海壇山

成化間知縣文林徙今所

王叔果重修東甌王廟記按史王名搖似姓騶

氏越王句踐七世孫越滅於楚王自王東甌為秦所發後從諸侯滅秦又從漢滅項籍至惠帝三年舉高帝時粵功曰閩君搖功多其民便附廼立搖為東海王都東甌歿葬甌浦因立廟世稱永嘉地主昭烈廣澤王洪武初詔定為漢東甌王仲有司三月八日致祭廟新於萬曆八年庚辰余為之記梅調元謁東甌王廟詩大禹神明胄炎劉佐命功分封仍越上遺廟歸甌東寶扇開宮女雕梁拂彩虹千秋存帝制秦格儼然同朱彝尊東甌王廟詩九牧維揚外三江霸越餘八閩從漢約遵海裂秦墟豪俊宜如此艱難氣不除策功夷項籍分壤接無諸迹異尊黃屋忠能奉簡書長沙堪伯仲百濮定何如萬古開王會孤城指帝車靈旂存髣髴過客盡歎歔歔殿瓦年頻圻霜林日漸疎躑躑山鬼立

苔蘚石堂虛側想風雲會乘時草
昧初遠塗今日暮下拜獨躊躇

關帝廟 舊浙江通志一在平定倉後一在迎恩門
內一在譙樓東一在海壇山東

橫山周公廟 萬厯溫州府志在廣惠坊俗稱平水

王廟歲二月朔致祭

宋濂橫山周公廟碑神諱凱字公武姓周氏世居臨海郡

之橫陽臨海屬邑曰永寧曰安固曰橫陽地皆瀕海海水沸騰蛇龍雜居之民懼其毒神乃白於邑長隨其地形鑿壅塞而疏之遂使三江東注於海水性既順其土作又永康中三江逆流颶風挾怒潮為孽邑將陸沉民咸懼為魚神奮然曰吾將以身平之即援弓發矢大呼衝潮而入水忽裂開電

光中見神乘白龍東去但聞海門有聲如雷而神莫知所在矣俄而水勢平江禍乃絕邑長思其功號其里曰平水且建祠尸祝之祠初在城之西郊及更永寧為永嘉郡郭璞相土遷之於西洋遐邇邀靈者無虛日神功益用赫著至於廟宇之建修皆郡守任其責可考見者自陳毛喜建元尊達納實哩凡一十三人云

郭記室祠 萬厯溫州府志在郭公山下初晉郭璞卜城於溫立祠山下祀之塑白鹿銜花於側紀卜城時瑞也今移祀於鎮東塔

王謝祠 溫州府志在華蓋山下祀晉郡守王羲之

南宋郡守謝靈運

王叔果王謝祠記吾甌山水郡也古昔吏甌者多名賢晉為王右

軍南宋為謝康樂皆以治郡聞郡城之東里石墨池故有右軍祠建自前守文公林嘉靖甲午拔於颶風將新之衆以其址隘弗稱先參議相地於華蓋山之麓重構祠專祀右軍仍故也迨前守龔公秉德廼合祀康樂榜曰王謝祠兩賢治郡之績世遠雖莫詳而任敬序郡志嘗曰永嘉自東晉置郡以來為之守者若王羲之治尚慈惠謝靈運招士講書山是人知向學民風一變蓋並以循吏稱而聲蹟流播泉曰墨池堂曰夢草坊曰康樂民至於今稱之合而祀之宜惟揚江左之英華於吾甌山水亦尚有耀哉梅調元王謝祠詩前守推王謝荒祠倚郡城千秋傳墨妙六代擅詩名治古舊還浴塘春草自生風流今古事俯仰一含情

忠靖王廟 永嘉縣志一在八仙樓巷元延祐間建

一在華蓋山下明洪武初建

宋源溫忠靖王廟碑
王姓溫氏名瓊字永

清溫之平陽人父民望嘗中明經甲科年耄無嗣
與妻張道輝晝夜顙於上帝一夕張夢巨神手擎
火珠自天門飛下謂曰吾乃大火之精將降胎為
人張覺赤光被體中猶薰薰然因有妊以唐長安
二年五月五日午時生其左腋有震篆二十四右
半之七歲習禹步為置十四通五經百氏及老釋
家言二十六舉進士不第撫几歎曰吾生不能致
君澤民死當為泰山神以除天下惡厲耳復制三
十六神符授人曰持此能主地上鬼神言已忽幻
藥又象屹立而亡蜀葉天師後用其符禁除沴氣
之為人苗者彷彿見王衣赭袍握寶劍乘追風駿
下之勅召之家遂皆祠王以祈靈響焉王初封誦

靈昭武將軍正祐侯其曰正福顯
應威烈忠靖王則宋季之累加也嘉靖三十四年

燬三十七年重建歲於五月五日致祭

顏氏雙忠祠 萬厯溫州府志在東北隅舊志慈湖

瞿溪諸鄉皆有顏魯公祠歲久圯明成化間邑令

劉遜改東北隅永寧廟為公祠合恒山公祀焉裔

孫顏涖復修盖公後裔嘗居永嘉故祠於此

龔將軍廟 溫州府志在集雲廟唐刺史韋庸浚城

南湖神時為部將督視遭仇甫之亂力戰溺死湖

中郡人即其地立祠從祀翁蘇二將蓋同死事者
馮魯公祠 永嘉縣志在夾嶼公名守信滑州白馬
縣人宋真宗時捍邊及治河有功累進太師中書
令追封魯國公其孫成為岳飛裨將扈駕至溫遂
居夾嶼因建祠焉

四賢祠 萬歷溫州府志在鹿城書院中祀程明道
程伊川朱晦菴張南軒四先生旁列從祀諸賢徐
寓劉安節陳埴劉安上葉賀孫鮑若雨周恭叔沈

躬行許景衡陳經正陳經邦謝天申包定周端朝
林武蔣叔蒙周憫黃顯子戴蒙曹叔遠錢木之沈
憫蔡譽錄林湜徐容潘旻戴述趙霄周去非葉味
道張楊卿薛洪林補凡三十三人皆四先生高弟
也

張忠惠侯廟 明一統志在府城南嘉靖浙江通志
侯名理宋宣和初睦寇至迎敵力戰橋陷與周承
已婁淵潘守真丁仲修死之郡為立廟吳山以四

人配明弘治間知縣汪循徙瑞安門內

忠烈廟 萬厯溫州府志在簡訟坊祀宋教授劉士

英諸生石礪學掾盧璿初建於宋郡守王定重建

於元邑令王安貞

林景熙忠烈廟記宣和間睦寇猖獗蕩搖我境教授雪川劉公

士英與館下生石礪慷慨守禦行保伍法出奇計數挫賊鋒全城以還天子上賞功劉通守太原會

金人犯城死於力戰石辭祿不居以布衣終賜廟固宜歲久榱桷毀圯奉神像遷於學大德丙午八

月庚申廟成乃迎以歸予因邦人之請為記以壽於石

謹按盧璿係學掾亦同時禦敵者

忠訓廟 明一統志在府城西三十里宋宣和中郡人徐震率義兵禦寇死於難事聞贈忠訓郎郡人為之立廟

葉文定祠 永嘉縣志在金鑿石巷祀宋學士葉適久圯

國朝康熙九年知縣陳聖俞重建

陳潛室祠 嘉靖浙江通志在城西門外宋陳埴與其兄增弟止先後舉進士郡舊立森桂祠成化十

六年知縣劉遜以埴從學朱子所著述多道德之
蘊而不以科第為榮改今額

文丞相祠 江心寺志在沙門左祀宋右丞相文天

祥以台郡少卿杜蒔永嘉正將徐臻配

趙寬重修文丞相祠

記公脫身京口至於永嘉宿江心寺有詩成化中縣令文林劉遜相繼訪公遺蹟刻公詩於石立祠祀公弘治十三年庚申寬與同官林君偕來溫祇謁公顧視祠宇庳隘弗稱林君曰是余責也郡守鄧侯進曰淮嘗擇諸僧察得其地矣往觀之在寺之北陸倚巖臨流崇深虛明衆皆喜材用既儲工役聿興林君為之區畫而郡守躬經營之祠遂以成因考諸從公之士宜祀者得二人焉曰司農卿

杜許公脫鎮江許之力公至永嘉許實從人嘗以
佐府招集兵財來台溫馬曰正將徐臻溫人也以
筆札典軍府機密小心精練從公北行備殫忠款
既又得公之孫一人馬曰富在前元時嘗守溫有
惠政遂以三
賢配享於公

黃文簡祠 溫州府志在幙頭河祀明大學士黃淮
祠為公故宅

表忠祠 萬厯溫州府志在迎恩門內祀郡貳守贈
參議黃釗嘉靖三十一年禦倭陣亡歲春秋致祭
萬厯己亥郡守林繼衡重修

褒忠祠 萬厯溫州府志一在瑞安門內祀都指揮
夏光嘉靖三十一年禦倭於王江涇死之一在興
文街祀贈太僕寺寺丞王沛嘉靖三十七年禦倭
陣亡

旌忠祠 永嘉縣志在三港廟左祀明指揮祁嵩嘉
靖三十七年禦倭陣亡

愍忠祠 永嘉縣志在康樂坊祀明僉事王德嘉靖
三十七年禦倭陣亡

龐公祠 萬厯溫州府志在吳吉山下祀明巡按御

史龐尚鵬

王諱龐公祠記溫州城南三里許孤高而特秀者吳山也山之西有祠雖然有

像偉然而俎豆於其間者侍御龐公也祠之左右高揭而大書者公之奏例也公名尚鵬字少南廣東南海人按兩浙在嘉靖四十四年初兩浙徵解起存錢糧業有成規惟所謂里長雜辦者端緒最多下莫周知吏胥乘以生奸小民困於供億公奉命按浙深燭夙弊亟思釐正之與諸司往復叅酌必求其當故有定賦徵有定期官無橫斂民無白著名曰均平他如革庫子之供役而令該吏輪掌免斗級之守支而令新役交代省館夫之支應而令驛夫領解懲有司之科斂而貪墨不得加派禁舖行之需索而公私不得抑買吾溫自昔至今百姓兆民莫不舉手加額頌公功德萬厯三年春永

嘉者民蔡麓等請建公祠有司
以此為義舉也相與共成之

雙忠祠 在府城內大街

國朝康熙十三年溫處道陳丹赤永嘉縣知縣馬璟殉

閩逆之難三十五年浙江巡撫線一信題請建祠

崇祀奉

旨允行

御書雙忠扁額

傳詳
名宦

忠義節孝祠 二祠俱在縣學東偏

國朝雍正四年知縣羅秉禮奉文建

樂清縣

先農壇 在新城東門外一都

國朝雍正五年知縣唐傳鈺奉文建立壇宇并置藉田
四畝九分

社稷壇 萬歷溫州府志在縣西北白鶴寺左

風雲雷雨山川壇 溫州府志在縣西隅簫臺山趾

邑厲壇 樂清縣志在東隅石塘壘

城隍廟 樂清縣志舊在縣治東北明知縣張具瞻
移建於西隅仙隱坊萬厯溫州府志萬厯乙未令
張子埕撥義倉田十畝供祭事

龍湫慈濟廟 雁蕩志在雁蕩山西谷

忠烈侯廟 溫州府志在館頭神曰田居邵唐乾符
間王郢之亂僖宗詔十道兵討之田奉命行至象
浦猝遇寇力戰死邦人哀其義烈為祠祀之浙東
觀察使劉漢宏表其事贈中丞大順二年贈右驍

衛將軍宋皇祐四年新其廟建炎四年又新之明

洪武初詔稱唐右驍衛將軍田公之神

樂清縣志神宛州人與賊

戰時以子規早啼兵誤遂敗自後近山無子規啼者鮑原弘謁廟詩橫春渡頭象浦西將軍戰死鼓

聲低只令恨殺子規鳥飛過空山不敢啼

國朝康熙十年重建

王忠文祠

萬歷溫州府志在九牛山下嘉靖間改

東嶽廟祀宋學士王十朋以朱文簡配享後圯萬

歷間兵巡道吳自新檄令黃仁榮改建按察司廢

址去舊址數十步

何鏐王忠文祠記往余東遊鴈蕩山過長微原望梅溪先生故

里不一舍而近聞有祠在邑中冀一瞻拜乃至西
臯尋問其祠業圯廢矣乃溯流西歸惻然者久之
歲戊寅兵巡道祁門吳公移鎮甌郡檄縣重建先
生專祠以風後人明年夏祠成先生祠祀自宋乾
道中奉勅建祠於郭路里地劉忠肅公請賜祭田
後且湮廢者數百年至嘉靖初冢宰朴溪潘公令
樂改建先生專祠給田編徭役稱備典矣踰三十
年以築城闕格而毀隆慶間侍御湛臺胡公為令
遷建三官廟址不數年又圯今改創城東為楹若
干儀品咸秩蓋三徙而康先生之靈為永永裡祀云

三賢祠

嘉靖浙江通志在縣治南祀宋龍圖閣學

士王十朋及錢堯卿賈如規慶元六年建

葉適有記

旌忠廟 嘉靖浙江通志在瑞應鄉祀宋侯畱初畱

以武舉累官通判海州李松壽之亂闔門死之寶

祐五年詔祀於其鄉賜廟額

章恭毅祠 溫州府志在東臯山下祀明尚書章公

綸

王瓚章恭毅公廟碑公字大經樂清人初景泰中公在儀曹陳言修德弭災十四事固不痛切

時病其一曰惇孝義欲景帝朝兩宮以修問安之禮朝南內以叙同氣之情復儲位以推猶子之義忤旨逮繫備極箠楚炮烙之刑慘酷萬狀天順改元始釋還職又特加陞進以旌其忠而公之名益著郡守鄧侯安濟既祠公郡城弘治壬戌春掌縣事郡節推闕中何侯重器又作新廟於邑治之東

以迂棲靈爽而廟
額則因其賜諡云

忠義節孝祠 忠義祠在學宮內東偏節孝祠在縣

前西隅

國朝雍正四年知縣唐傳鈺奉文建

平陽縣

先農壇 在城東南郭外舊倉基

國朝雍正五年知縣沈瑞鶴奉文建立壇宇并置耜田

四畝九分

社稷壇 萬厯溫州府志在縣治西北一里

風雲雷雨山川壇 溫州府志在縣治南四里

邑厲壇 平陽縣志在城北四至俱河

城隍廟 平陽縣志在按察分司之西明洪武元年

同知李顯祖始建至宣德九年令章惠成化二十八年令劉清弘治十八年令李奎昭凡三次重建萬厯庚寅令萬民華建寢殿并東西廡

國朝康熙年間重修另建廟門

西郭廟 溫州府志在錦屏山下相傳為漢諫議大夫張堪素直諫常乘白馬號白馬生

護國廟 萬厯平陽縣志在象山神姓古諱弼事北魏太武數進直諫後拜立節將軍賜爵靈壽侯宋淳祐間勅封護國威濟王

靈護廟 萬厯溫州府志在新羅山山以神廟得名昔新羅國太子因航海入覲溺馬顯靈茲山邑人立祠祀之

惠民靈應廟 平陽縣志在金舟鄉神溥源林氏子
生而神靈每自稱曰十八州檢校使言人禍福輒
應沒即墓所立祠屢有靈蹟封惠民侯宋咸淳間
進封忠烈王

史先生祠 萬厯溫州府志在前倉鎮令王約建祀
元史伯璿萬厯平陽縣志萬厯己丑知縣萬民華
樹坊城南題扁曰東海真儒平陽縣志又林史二
賢祠在文廟東偏祀元林景熙史伯璿

樞密周侯廟 平陽縣志在證真寺西隅祀元周誠
德至正間侯守平有功後為方明善所執不屈而
死州人思其功德立祠祀之

王公祠 平陽縣志在北門外祀明弘治間知縣王
約歲久圯

國朝康熙二十九年居民重構數椽肖像祀之

忠烈饒美祠 萬厯溫州府志在縣治東萬厯甲辰
邑令汪寬為南康守吳寶秀建

蘇茂相題吳太守
忠烈饒美祠詩識

君燕市日棘寺正持平為郡熊車去憂民虎尾嬰臣
心匡嶽屹婦志蠡湖明祠廟如賓處階前蘭芷生

忠義節孝祠 忠義祠在縣學頭門內節孝祠在西

門外白石河

國朝雍正五年知縣沈瑞鶴奉文建

瑞安縣

先農壇 在城東十二堡地方

國朝雍正五年知縣何詩奉文建立壇宇并置耤田四

畝九分

社稷壇 萬厯溫州府志在縣城北門外

風雲雷雨山川壇 溫州府志在小東門外

邑厲壇 瑞安縣志在清泉鄉北門外

城隍廟 萬厯溫州府志在永豐廂白巖橋山嶼嶺

明嘉靖戊午倭寇燬辛酉重建隆慶壬申令杜時

登重修

國朝順治六年知縣譚希閔重修

忠義廟 瑞安縣志在東北隅縣治後神姓蔡諱敬

則漢末以里人起義兵禦寇有功授東部都尉進爵安鄉侯鎮永寧立署於邵公嶼廟始建於公署

晉時遷署為縣改廟於東偏即神私第

黃思親忠義廟記忠

義廟舊名東門廟在縣治邵公嶼側弘治中邑令高君賓以廟偏迺治所遷崇福院廢基為之以神封忠義應順輔正故揭首二字以為榜正德壬申里人又以委巷湫隘廟貌弗嚴乃聚金帛廣基址一撤其舊而新之按志神鎮永寧城愛瑞安邵公嶼之勝立署第於此政令明肅四境人安時有虎害民神即挺身入穴屠之及歸途遇老人從以修蟒與語頃至署囑其民曰天今策我為佐兵使矣害益而福謙言畢立逝體汗凝為白乳目瞪不瞑而赭如生先一夕麾下吳九者為虎負去至是還跪

死膝下民既德而且神之故建廟以祀又立搏虎祠於周墓

聖井許真君祠 舊浙江通志在來暮鄉許峰山上

忠烈武義侯廟 溫州府志在清泉鄉周湖神姓葉

名一源字九江邑人從征高麗死事追諡武義立

廟祀之

一葉適忠烈武義侯廟記忠烈武義侯葉公源貞觀二十二年太宗征高麗檄令副

總管薛萬徹同往所向先登單騎陷陣斬首三十餘級身中流矢馳歸卒狀奏帝憫之為輟食特詔下其所居之里建祠追諡武義天后朝加封忠烈故榜其廟曰忠烈武義侯嗚呼自唐迄今五百餘載告虔不絕詎偶然乎每早潦禱輒應疵癘不作歲獲屢登邑人以為皆侯之賜相與率錢治其廟

屬余記其事余惟侯生能致其身以報國死能以
刊澤及於鄉黨何德之盛歟遂書之以鏡於石

廣濟廟瑞安縣志一在豐湖亭西一在城東門內

曹脣廣濟廟記瑞安東郭廟神姓林名三益字友
直生於宋熙寧戊申五月初四日嘗憩永豐橋亭
而發赤汗流浹背人問其故乃曰吾方在海中捍
船舶勞甚數日後榕城舶商踵門以謝之人益信
其神一日忽語人曰可於許右丞閣上取團花錦
袍白玉帶皂帽來翌日吾其逝矣及期沐浴更衣
端拱而化鄉人異之告於長吏具實蹟上聞立廟
於東郭豐湖之南凡水旱疾疫隨禱即應咸淳初
封廣濟侯元至元丁丑隣寇剽掠勢張甚俄而神
威赫靈有大旗現於雲端居民鼓勇力戰賊黨奔
逃邑賴以寧至正戊申朔方流民假道入闕瘍氣
傳染死者相枕藉鄉人憂懼禱於神獨吾邑獲免

疾疫未幾海寇近境同知州事張成謁款祠下而賊鋒卒不敢犯後州倅李愷漕運出海遭風濤惡甚愷惶呼號舟人仰祈於神浪平風滅遂得善達朝廷聞之詔封昭惠廣濟公癸卯冬有虎入市人莫敢撓項間至廟側乃帖服受擒衆皆以為神力知州趙榮祖以其事聞特封忠武孚佑昭惠廣濟王由是靈鼎益彰邑人歲時致祭列拜庭下廟祝嚴肅過者起敬焉

顯佑廟

溫州府志在帆游鄉帆游山

秦激顯佑廟記顯佑廟即

靈惠廟故在十二都陶公尖嘉靖己亥邑城火廟在延燎中社人復請於前令安福吾厓王公即西北隅淨土院廢址為廟以祀神按邑志神姓何名敏字虛中父朴母葉氏以宋元豐八年九月朔旦誕神於蘇公里異光燭輝帳暨長驂勇好義慷慨多大畧政和壬辰八月八日早起與家人訣曰今

上帝命吾司此土語畢即出門不知所向里人咸
異之後有見其早夜乘虎出入者遂以為神立廟
祀之咸淳中勅賜廟額正統間以陰兵翊贊珍滕
寇自是有司敬事惟恪早潦祈禳多徵應則神之
於民也有禦災捍患功
社人以義祀之固宜

四賢祠 瑞安縣志在城西寬山舊係南山律院五

通廟

國朝康熙二十五年知縣范永盛改祀宋許景衡陳傅
良元高明明卓敬額曰章安四賢祠

陳止齋先生祠 萬厯溫州府志在仙巖宋陳公傅

良嘗讀書於此故祠焉明弘治間邑令高賓建嘉靖甲寅令劉畿拓新之萬厯甲申令章有成改建積翠峰下乙未令歐大成重修

蔡文懿公祠 溫州府志在清泉鄉新城祀宋蔡幼學

卓忠貞祠 萬厯溫州府志在西峴山弘治中令高賓建祀戶部侍郎卓敬隆慶壬申燬萬厯癸酉令杜時登奉詔重建丙子以風壞庚辰令齊柯改建

於新街官司廢址

忠義節孝祠 二祠俱在城東北一堡學宮內

國朝雍正五年知縣何詩奉文建

泰順縣

先農壇 在東門外

國朝雍正五年知縣朱國源奉文建立壇宇并置藉田

四畝九分

社稷壇 溫州府志在城西三里

風雲雷雨山川壇 泰順縣志在城南二里

邑厲壇 泰順縣志在城北二里

城隍廟 溫州府志在迎薰門內原在縣東隅明景

泰間令郭顯宗建天順甲戌推官溫儀改遷隆慶

辛未令王克家重建萬厯間令林繼志余鼎鼎重

修

國朝康熙四十八年知縣曹紳重建雍正六年知縣朱

國源於大門內建樓臺一座并建東西兩廡塑六

曹神增設山神土地二祠

陶王廟 萬厯溫州府志在四都神姓陶名仁備洪
村人生而猛勇神靈年二十四遇紫陽真人授仙
訣其兄累罪獄中化像脫其難洪撫二州火神發
風雨救之雲中見大旗書安固陶二郎字宋元間
封猛將通天大使忠烈聖王

崇報祠 溫州府志祀明尚書孫原貞

周光庭崇報祠記泰順之

建尚書孫公祠也自景泰改元初闕寇鄧茂七於
茲倡亂時公為浙江右布政使帥師討平之復疏

請置縣因分地為界縣實自公經始凡城池廨宇
庠校倉庾戶口田賦一切規制悉公所裁定經今
二百餘年民享昇平而安於田里皆公之賜也顧
名宦有祠以崇位而列之庶寮則襄專祠有室以
旁舍而隱之一隅則隘相度閒地得陰陽學舊址
正臨孔道位居向明宜為崇奉之所於是聚財僦
工造為正宇三楹庖湍守視之舍二楹
門樓一楹事竣奉公之主而尸祝焉

忠義節孝祠 二祠俱在學宮內右偏

國朝雍正五年知縣朱國源奉文建

處州府

麗水縣 附郭

先農壇 在郡治東巖泉門外里許黑橋莊

國朝雍正五年知縣郭朝端奉文建立壇宇并置耤田

四畝九分

社稷壇 括蒼彙紀在西郊半里許麗水附府省

風雲雷雨山川壇 括蒼彙紀在南明門外溪南一

里許

府厲壇 崇禎處州府志在埤郊二里

城隍廟 括蒼彙紀在城東南圍山下舊在分守道

東明嘉靖三十六年知府高超改建今地崇禎處

州府志崇禎四年重建

旗纛廟 括蒼彙紀在府治西祀軍牙六纛之神

麗陽廟 括蒼彙紀在府北五里許張蟠麗陽廟記

圖云鎮地脉廟因取名自往及今多歷年所大中
四年今齊州刺史徐公戡理處之時日屬亢陽躬
酌此廟雨乃隨車公以邑有麗溪廟居其後遂改
為麗陽廟八年冬錄事參軍天水姜公肅知軍州
事麗水縣令榮陽鄭公全察相顧言曰郡邑無事
山廟可完齊州肇謀俾我繼作得不勉歟春三月
乃於舊廟之西初殿焉其正位麗陽王孟北山之
神左則白塔王斯土地之主右則巨潭王乃北治

之靈夏五月十五日郡邑官
僚鄉里耆舊列筵以落之

關帝廟 處州府志一在圓山今名圭山一在華祠
嶺一在焚山

國朝雍正六年知府姚鈴即圭山舊祠更新之前為正
殿後為寢殿查法喜廢寺田七十三畝給住持僧
以供香火修葺之費

詹南二司馬廟 括蒼彙紀在府治西五十里祀梁開
通濟堰之神 關景暉詹南二司馬廟記麗水縣皆
並山為田常患水之不足去縣而西

五十里有堰曰通濟障松陽遂昌兩溪之水別為大川分為四十八派析流畎澮注民田二千頃元祐壬申堰壞命尉姚希治之明年帥羣官往視其成功旁有廟曰詹南二司馬不知何神嘗詢諸故老謂梁有司馬詹氏始謀為堰而請於朝又遣司馬南氏共治其事是歲溪水暴悍功久不就一日有老人指之曰過溪北遇異物即營其地果見白蛇自南山絕溪北營之始就明道中碑刻尚存云

五賢祠

明一統志在府學明倫堂東初祀宋孫沔

黃葆光吳戴後增王之望王公信為五賢祠

忠節祠

崇禎處州府志郡守高似孫建祀太原府

孟縣主簿祝公明忠翊郎姜綬義士章雲龍知雍

州詹友四人並宋靖康建炎間殉難忠臣

謹按祠址失考而高似孫記有云一屋荒寂西
亞角樓則當時必在城西入元明而頽廢矣

清風祠 明一統志在麗水縣治南祀宋敷文閣待

制閭丘所

開國元勲祠 處州府志在府治南半里祀明誠意

伯劉基

潘潤請建祠疏洪惟太祖應天順人奄有
大業當時削平僭亂於外者有徐達湯和

輩而察親乾象運籌帷幄之內者惟劉基一人而
已弘治十五年禮科給事中吳仕偉請建祠於府
城前任知府梁宸嘗置官地一所於皇華鋪前規
模窄狹尚未建立伏乞勅部於其祠宇稍加壯麗

於其祭祀稍加豐隆則上副錫報元功之誠下協天下臣民之論而抑有以勵人心於將來矣

三賢祠

括蒼彙紀在府治南祀明中丞章溢南陽

侯葉琛縉雲伯胡深

泗國公祠

舊浙江通志在府城永豐倉西祀明耿

再成總制胡深知府程孔昭為立祠景泰中重建

樊獻科泗國公祠堂記泗國武莊耿公死國之忠具載宋太史漁碑中爵以上公開以泗國命塑像於功臣廟勅葬於聚寶山建祠以祀於括時芳草昧儀飾未詳是以祠雖建而祭典尚缺公六世孫曰鏞者陳詞乞祭請援文成劉公縉雲胡公例一體崇祀郡伯高公超中監司得俞所請命歲祭二

仲動夫官銀又命以公
之子天璧配食公祠

二忠祠 崇禎處州府志在紫陽祠後祀死難叅議

耿定僉事王晟

勞堪二忠祠記正統十三年寇拔
枯郡二大夫以封疆之臣率兵禦

之境上明年大戰於周垣兵潰二大夫被執不屈
死之余生平嚮慕忠節之士每一神交至願為之
執鞭乃今得死事如二大夫者顧俾其民民沒沒
而弗俎豆於茲也其謂之何爰命有司設像祀之

郭公祠 處州府志在棗山廟左祀明郡守郭忠

國朝順治十六年知府周茂源建

周茂源郭公祠記公
長身鐵面嚴重有威

家視枯子視民凡可以去枯之疾苦而為其安全
計者莫不焦思畢力以圖終於形枯神斂以卒於

位故其神依久弗去往往昭靈現像以警動於人
之耳目維治之北有隙地焉卜云其吉於是伐木
於山陶甕於冶鵠工飭役為
屋三楹爰作公主升之於座

忠義節孝祠 忠義祠在郡治中樺山文廟之東節
孝祠在郡治東南行春門內溪頭莊

國朝雍正五年知縣郭朝端奉文建

青田縣

先農壇 在東門外

國朝雍正五年知縣萬里奉文建立壇宇并置藉田四

畝九分

社稷壇 青田縣志在縣西一里

風雲雷雨山川壇 括蒼彙紀在縣溪南三里北向
邑厲壇 括蒼彙紀在縣西郊三里南向

城隍廟 崇禎處州府志在縣西二里

平成廟 括蒼彙紀在溪南祀大禹歲以二月二日

居民設祭祀之

陳詔
有記

清溪廟 崇禎處州府志在溪北其神曰朱三府君

唐時人好義樂施捨宅為崇道觀後人祠於觀西
秦學士祠 廣輿記祀宋學士秦觀青田縣志在縣
西百四十里觀嘗監處州酒稅訪慈仁寺曇法師
有留別詩僧為立祠

劉誠意伯廟 崇禎處州府志在縣北混元峯下祀

誠意伯劉基嘉靖間詔立靖難死節谷府長史劉
璟廟春秋祀之提學萬潮令縣立像配享誠意之

廟同日致祭

姚夔劉誠意伯廟記誠意伯劉公七
世孫五經博士祿自枯蒼來朝且言

曰先臣基歿垂八十年舊有祠堂燬弗克稱者久矣神無棲止祀罔攸享荷國厚恩叨守宗祧敢請詔可其奏下禮部移所在有司營建祠堂如制越歲告成屬夔為之記先生負豪傑之才以春秋學登進士第世不能用遂隱括蒼山中以耕食為樂蓋元氏一遺民耳高皇帝握真符而定金陵先生慨然以天下為己任束幣朝臨而夕起一見之頃首陳天命有在高皇帝敬而信之自謂吾之子房謀無不用用無不效卒成天下大業取天下於羣雄之手非取於元氏也昔伊尹五就桀不能用退而耕於有莘之野及遇成湯幡然而起以成佐商之功聖賢所以汲汲於斯世者豈有他哉誠有畏天命悲人窮不得已而然也先生之心其即伊尹之心歟嗟夫如先生者雖百世祀之可也

忠義節孝祠 忠義祠在南門內節孝祠在西門內

國朝雍正五年知縣萬里奉文建

縉雲縣

先農壇 在東郊距城五里

國朝雍正五年知縣戴世祿奉文建立壇宇并置藉田

四畝九分

社稷壇 括蒼彙紀在縣北三里

風雲雷雨山川壇 崇禎處州府志在縣治水南

邑厲壇 縉雲縣志在縣北岱嶺

城隍廟

括蒼彙紀在縣治西二百步舊在西谷唐

乾元二年縣令李陽冰祈雨有應遷今址

李陽冰
縉雲城

隍廟碑城隍神祀典無之吳越有之每水旱疾疫
必禱焉有唐乾元二年秋七月不雨八月既望縉
雲令李陽冰躬禱於神與神約曰五日不雨將焚
其廟及期大雨闔境告足具官與耆耋郡吏乃自
西谷遷廟於山
嶺以答神庥

謹按世傳李陽冰為江神渡江者祭而投
此碑文可免風濤故名此碑為定風碑

禹王廟

崇禎處州府志在縣東一百三十里

卓侯廟

舊浙江通志在縣東五里祀漢褒德侯卓

茂

潛尚書廟

崇禎處州府志在縣東七十里祀梁尚

書潛佶其子司徒進太保頴配

胡公廟

縉雲縣志在雲臺巖神名胡則

朱子祠

縉雲縣志在文廟後知縣霍維騰重建

李用

勤朱子祠碑記縉邑舊有朱子祠然崇廣不踰步
內登降拜跪隘莫能容邑侯霍公曰未有裒輿几
筵不中儀式而可稱先賢祠宇者也乃廣舊址而
大之為門者一為講堂者一為寢廟者一周延四
阿環以廊廡翼然秩然間數旬而告竣乃奉神主
於廟中南嚮而以高弟陳伯明陳伯固兩先生之

主東西

配馬

忠義節孝祠 忠義祠在縣北寺左節孝祠在北門

內

國朝雍正四年知縣田仲璞奉文建

松陽縣

先農壇 在東門外一都一畝黃灣

國朝雍正五年知縣楊國琦奉文建立壇宇并置耜田

四畝九分

社稷壇 松陽縣志在縣西北一里鳳臻門外

風雲雷雨山川壇 括蒼彙紀在縣東南二里

邑厲壇 崇禎處州府志在縣北三里朝天門外

城隍廟 松陽縣志在縣東南舊為長松臺改建明

萬曆二十四年知縣周宗邠重建崇禎十六年知

縣張建高重建

國朝康熙年間重葺

白龍瑞現夫人祠 崇禎處州府志在百仞山下

松陽

縣志夫人姓周氏未笄時至江邊汲水得一物如
日感觸有孕父母惡之夫人誓以天日奔走巖穴
以自絕於人世既而生一兒蜿蜒倏霍風電震赫
夫人驚死石晉時松旱縣令陳時禱雨於百仞山
忽白龍見於山上大雨如注表於朝賜名白
龍山因之立廟祀夫人為龍母又名太婆廟

戴火仙廟 崇禎處州府志在縣西南十七里遇旱
禱雨以見火為識里人祠之

貞女祠 處州府續志在鸚鵡墓後準提閣前祀元

貞女張玉娘

傳詳
列女

國朝順治年間學博孟稱舜建

葉公廟

松陽縣志在縣治左祀明靖難忠臣葉希

賢

魏公祠

松陽縣志在縣東南三里祀明縣令魏良

弼

何鏐魏公祠記監察御史豫章謝公按部浙東次於枯蒼延見吏民父老廉察吏治御史者魏

公里人也父老遂問魏公安否且曰自公去松四十五年我民無日不思嘗記公時育子不祿瘞在郊垌邑人歲時封植今墓未且拱矣我民保視奚啻甘棠哉宜於墓旁建祠肖像庶得世世伏臘不忘御史曰唯唯於是攝邑事秦君郡守陳君各捐俸錢二千緡用備丹雘更請折田一十二畝以租入贍祀事

忠義節孝祠 忠義祠在學宮內西偏節孝祠在學

宮外一都一畝

國朝雍正五年知縣楊國琦奉文建

遂昌縣

先農壇 在東門外雙溪橋頭

國朝雍正六年知縣許鼎奉文建立壇宇并置耜田四

畝九分

社稷壇 遂昌縣志在朝天門外一里

風雲雷雨山川壇 括蒼彙紀在縣南一里

邑厲壇 崇禎處州府志在縣北一里

城隍廟 遂昌縣志在邑東迎恩門內明洪武間建

嘉靖二十八年知縣洪先志重建兩廊隆慶元年

知縣池浴德修萬曆十九年知縣萬邦猷重建

國朝康熙四十二年知縣蘇燮重建

溥濟廟 舊遂昌縣志在邑北二十里即三井龍湫

祠自宋以來禱雨響應紹興己未賜額屢著靈異

葉天師廟 崇禎處州府志在縣東五十里牛頭山
縣南及東泉三都鄭村俱有遂昌縣志祀葉法善
真人鄉人稱為天師凡遇災旱祈禱輒應

華使君廟 遂昌縣志在邑東十餘里神名造唐景
福間處州刺史死於賊鄉人立廟祀之

吳僕射廟 崇禎處州府志在大柘溪東神名珂唐
末為保義鎮遏使黃巢犯京師四方雲擾羣盜蝟
興盧約陷處州董昌攻越珂集義勇積糧禦守禦

一方以功拜檢校工部尚書既沒為神祈禱即應

張翼吳僕射廟詩沉沙鐵戟皆銷歇愚智猶瞻僕射祠欲識精英千載色石屏雲斷葉殘時

尹堯庵先生祠 崇禎處州府志在儒學東萬曆初提學道蘇濬建祠祀宋儒尹起莘

湯段二公祠 遂昌縣志在報願寺東

國朝康熙五十一年建祀知縣湯顯祖段弘璧繆之弼重建顯

祖湯公祠記臨川湯若士先生萬厯間成進士由博士轉祠部郎以言謫尉旋遷令故平昌得有先生之迹先生之文其精瑩足以華國先生之學其綜該足以經世而屈以百里之寄置於萬山之麓

且使之鬱鬱久居茲土其所遇異乎不異乎乃先生獨不以此介懷治績日懋暇則與士君子課文較射優游自適復何容心於當年之華廡與後世之思慕耶獨是余與先生生同鄉志同道官同方未獲親承下風然幸去先生之世僅百有餘歲況遂人士在今日心焉繫之口能道之惜當日所構之射堂付之蔓草祇得瞻拜其肖像於義學中其祠也亦寄焉而已然則庀材鳩工用妥厥靈非余之責而誰責與金壇段公弘璧踵先生後而至者其治績政聲大都與先生相頡頏原有祠寢久而廢今合而祠之於是不乎記

忠義節孝祠 忠義祠在學宮前節孝祠在縣城之

西街

國朝雍正五年知縣許鼎奉文建

龍泉縣

先農壇 在東郊十九都九姑山下

國朝雍正五年知縣孟耀奉文建立壇宇并置耜田四畝九分

社稷壇 括蒼彙紀在縣西四百步

風雲雷雨山川壇 龍泉縣志在縣南四百步

邑厲壇 崇禎處州府志去縣北一里許

城隍廟 括蒼彙紀在縣西五百步

歐冶子廟 明一統志在縣治南劍池湖前相傳歐

冶子嘗鑄劍於此

昭應廟 崇禎處州府志在延慶鄉查田市神姓蔣

名超兄弟三人宋宣和間方臘犯州境大顯靈異

境賴以安

王先生祠 嘉靖浙江通志在縣西五十里扁曰旌

賢

王禕旌賢祠記先生諱毅字剛叔別以木訥自號夙負異秉篤志於學早從上饒鄭君原善游

而聞聖賢求仁之方及登金華文懿公之門得理
一分殊之旨所學粹然一出於正教授里中戶外
之屨至無所容至正甲午盜起旁縣先生領鄉兵
往禦之里井恃以為安夫何遺孽未殄者陰設狡
謀而先生遇害先生歿門人胡君深既勒兵討賊
中復讐之大義而章君溢等復即先生所居蓋竹
里為祠以祀之則禮以義起者也祠之建在戊戌
歲居室規制完飭具美且合財置田用其入為歲
時享祭之需焉

忠賢祠 嘉靖浙江通志在縣南二里明宣德四年

建祀行省叅政胡深御史中丞章溢

華公祠 龍泉縣志在縣東宗因寺下祀明知縣華

廷詔歿於任士民懷德立像春秋祀之

傳詳
名宦

忠義節孝祠 忠義祠在學宮內西偏節孝祠在鼓

樓前

國朝雍正五年知縣孟燿奉文建

慶元縣

先農壇 在東門外

國朝雍正五年知縣徐義麟奉文建立壇宇并置耜田

四畝九分

社稷壇 括蒼彙紀在縣雲龍門外半里

風雲雷雨山川壇 括蒼彙紀在縣濟川門外一里

邑厲壇 崇禎處州府志在仁豐門外

城隍廟 慶元縣志在豐山門外儒學右明洪武十

四年知縣董大本建萬厯三年知縣沈維龍重修

國朝康熙元年知縣高嶙改建

三官廟 慶元縣志在石龍山明天啓間知縣樊鑑

建

順濟行祠 崇禎處州府志在四都慶元縣志今在

西門內祀順濟夫人

國朝康熙四年邑人李娘周宣明季虹重修

季虹順濟行祠記順

濟夫人閩古田陳氏女也行十四生於李唐之大曆精巫咸術活人最多沒更靈異祀之臨水至宋封為順懿夫人不獨八閩之人祀之即吾浙之窮鄉僻壤莫不崇奉而余城西之行祠高敞獨為羣廟冠自辟邑來凡疾疫或作雨暘或愆無不於夫人是禱禱則未嘗不應祠創自何年不得而攷詢之故老亦鮮有能言者僅傳以為重修於萬厯之二十七年則其祀之久可知已康熙乙巳秋鳩工庀材以始其事丙午七月告成

白將軍廟 慶元縣志在九都竹口神姓白為錢鏐
將閩越王僭號白將兵討之開此地死後常有白
氣出沒土人立廟祀之

忠義節孝祠 忠義祠在東關外明倫堂側節孝祠
在東關外文昌祠側

國朝雍正五年知縣徐義麟奉文建

雲和縣

先農壇 在坊都一畝

國朝雍正六年知縣孫廷楷奉文建立壇宇并置耜田

四畝九分

社稷壇 括蒼彙紀在縣西一里許

風雲雷雨山川壇 括蒼彙紀在縣南一里許

邑厲壇 雲和縣志在縣東一里

城隍廟 雲和縣志在縣西一里歲久將頽

國朝康熙二十八年知縣林汪遠重修

福勝侯廟 崇禎處州府志在黃溪坪禦災捍患屢

有靈驗

顧侯祠 括蒼彙紀在縣東南祀明知縣顧立

李東陽顧

侯祠記弘治庚戌冬處州雲和民走告於府曰吾邑故侯顧姓者有功於民四十年矣吾父老屢欲建祠祀之而地小力綿人多鯁歲弗能集事今官府無事而歲適告登思有以畢吾志時雲和丞王言方在謁知府傅公籙諭之曰此義舉也汝其為民倡之丞歸以告知縣譔宜紳奉諾惟勤乃率僚屬捐貲相地於縣治之東南為堂三間高丈有八尺深畧稱廣倍之題主其中繪事蹟於左右壁令民以時祭祀侯諱立字成夫蘇州常熟人景泰庚午處州賊起都御史軒公輓置侯幕下既平時雲和新置乃以屬侯至則推強扶弱構廨建學置驛傳立壇墠百務咸備東有雲壇山險阻民病煎採

侯刊木薙草闢為夷途民甚利之都御史韓公雍
巡撫江西以其可領府事與守臣交章薦上適侯
入覲命下而卒嗟夫仕者之譽或可釣而得惟民
不容偽綴或偶獲馬至去而思死而哀為之祠以
衆著不忘則斷斷乎非可偽為也後之官茲土蒞
斯民者稽事考蹟惟力之弗繼是懼則侯之祠利
於人
大矣

去思祠 崇禎處州府志在縣東賓陽門內為知縣

陳思順立

傳詳
名宦

忠義節孝祠 忠義祠在學宮內東偏節孝祠在學

宮外縣治側

國朝雍正正五年知縣孫廷楷奉文建

宣平縣

先農壇 在學宮外東偏

國朝雍正六年知縣孫炯奉文建立壇宇并置耜田四畝九分

社稷壇 括蒼彙紀在縣西二里許

風雲雷雨山川壇 括蒼彙紀在縣西二里許

邑厲壇 崇禎處州府志在縣北門外二里許

城隍廟 括蒼彙紀在迎恩門外

三真君祠 明一統志在宣平縣西一十五里名勝志宣平楹榱山之中峰有三真君祠相傳周厲王時諫臣唐宏葛雍周武也諫王不聽奔此後歿為神血食於此

靈顯章侯廟 崇禎處州府志在縣東南六十里侯諱承趨唐中和間黃巢亂鄉民推為部領捍禦有功沒而為神宋淳祐六年封仁烈侯妻呂氏封助

順夫人四壻丁鄂王修蔡裡鮑庶配食

報德祠 舊浙江通志在縣總舖東祀明縣丞徐黼

黃中報德祠記贈少傅思復徐公以弘治辛酉自
華亭來丞括之宣平滿九載又移丞江西之寧都
迄今六十年矣宣之父老猶能道其德政如昨日
事嘉靖丙辰電白任君良翰令茲邑三年政成諸
父老以徐公祠白之遂相地得徐公舊宅之南鵠
工運木以某月日經始焉諸父老樂報典之有緒
而子來恐後不數月落成榜之曰報德考正德間
葉宗留據險稱亂東南驛騷踰年礦賊復嘯聚莫
敢誰何時公視邑篆單騎入賊壘曉諭禍福數千
人咸感拜且曰敢不惟命四方遂以寧謐告稱銷
兵潢池賣劍買
犢真不是過也

忠義節孝祠 忠義祠在學宮內東偏節孝祠在縣

前坊

國朝雍正五年知縣于樹範奉文建

景寧縣

先農壇 在縣北八里油田地方

國朝雍正四年知縣高崇萼奉文建立壇宇并置耜田
四畝九分

社稷壇 枯蒼彙紀在縣北八十步

風雲雷雨山川壇 崇禎處州府志在縣西南一里

邑厲壇 景寧縣志在縣北六十餘步

城隍廟 括蒼彙紀在縣北四十步明景泰三年立

嘉靖八年知縣程達重建隆慶壬申知縣陳嚴之

重修

護國馬夫人廟 崇禎處州府志在桑遠鄉鷓鴣村

名勝志鷓鴣灘馬孝婦故居也家貧養姑甚孝既

歿後人立廟於其鄉

李陽冰護國馬夫人廟記護國夫人馬氏括蒼下邑鷓鴣

灘人也灘出鶴溪源深水紆山高路阻猿猴紛紛
虎狼相尾自仙居之異獸屏踪仙跡既往而并存
馬肅宗上元間連歲苦旱郡守太子率更令司馬
公遣吏與二老抵祠所致享禮吏未旋踵合境告
足公異之乃復命二老至黃堂問仙姑始終出處
之跡二老曰某兒時聞諸故老云仙家貧事姑孝
工緝蠶機杼事以致養其家距鶴溪百餘里晨往
夕返以羹與姑如始出釜甑然水潦泛溢船斷槳
推輒倒持其傘以自載望之隱隱若雲霧間人莫
有知者後莫識其所往忽里人見之井所自言名
在仙籍隣邦令為我祠我其福汝由是里人共立
祠以祭之於時鄉人為戎卒者事仙益謹遂立遷
功得美官以陰府助國疏神善告諸當路者聞於
朝乃賜命護國夫人陽冰時為縉雲令并記之以
示不朽因為之歌曰鸛山蒼蒼鸛水茫茫陰府助
國兮於時彰彰福我隣邦兮民斯永康仙兮仙兮

與日月
而齊光

潘公祠 景寧縣志在舊縣治西祀宋長興主簿潘
應芾暨子總管潘仲龍千戶潘季龍雲和元和兩
鄉巡檢權知慶元縣事潘荀龍春秋仲戌日致祭
忠義節孝祠 忠義祠在學宮明倫堂右節孝祠在
花田坪

國朝雍正六年知縣陳誠奉文建

浙江通志卷一百二十五

欽定四庫全書

浙江通志卷二百二十六

寺觀

攷前代五山十剎隸浙者過半而洞霄金庭之屬
久標靈蹟琳宮梵宇稱極盛焉我

朝賜額捐金屢有興建蓋上以祝

鴻祚下以祐民生也第漢晉以來千有餘載二氏之居
不可殫述謹擇其最著者詳於篇志寺觀

杭州府

錢塘仁和
二縣附郭

積善海會寺

咸淳臨安志在吳山吳越王錢氏建

舊名石佛宋大中祥符中改賜今額嘉泰間燬武林梵志元至正間重建平章庫庫子山書大海會寺額御史大夫強通書觀音寶殿額錢塘縣志明
成化十年燬踰年僧浩中重建

國朝康熙三十七年住持皈一復募新之寺踞吳山東南岡號稱勝地每逢水旱必迎上天竺寺觀音大

士於此祈禱雨暘無不立應雍正九年總督臣李
衛飭屬重修十三年

御書寶月清光四字額

賜懸正殿

定水寺 西湖遊覽志宋乾道八年建於萬松嶺嘉

定八年移清波門外元至元十三年築城徙建七

寶山

雲居聖水寺 錢塘縣志在雲居山西湖遊覽志雲

居庵者宋元祐間僧了元建聖水寺者元元貞間

僧明本建明洪武二十四年併聖水於雲居賜額

曰雲居聖水寺

太平清話雲居寺有中峯竹爐麻鞋鞋長尺四五許及半身相

成

化間僧文紳修

張翥秋日遊聖水寺詩高處見滄溟西風吹酒醒潮來一片白山擁

萬重青草木如浮動煙塵忽杳冥登臨不可極吟思滿秋汀

國朝康熙五十三年僧維新及其徒西銘重修

百法寺 明一統志在吳山下武林梵志宋建炎初

僧寶寧建有大佛半身依山鑿石為之淳熙十四

年賜額廣潤元時改額百法趙子昂書元末燬明天順元年僧道沖重建

開寶仁王寺 咸淳臨安志在七寶山宋僧慧照紹

興五年奏建紹熙二年始賜勅額嘉泰甲子紹定辛卯一再燬僧祖仁重建景定五年又燬尋

復建

周文璞歸憩仁王寺詩重到招提未覺遲鉢單初副袷衣時僧房齋院門門閉告子

杙杞樹樹垂蟻蔭經幡求托化龍纓佛座學慈悲長年無事閒來此坐對空山賦小詩

勅賜永壽寺

在東園舊名永壽菴為南海普濟寺

下院

國朝康熙四十三年

聖祖仁皇帝賜額永壽寺

僊林慈恩普濟教寺 武林梵志在安國坊

今義同坊

僊林橋西

宋紹興三十二年洪濟大師智卿建嘉靖

仁和縣志隨築戒壇具奏請額勅賜僊林孝宗

踐阼扁賜隆興萬善戒壇理宗改今額淳祐三

年賜飛天法輪寶藏額併御書鐘銘元至正癸

未延燎復建

王禕僊林寺戒壇記杭州僊林大慈恩普濟教寺有萬善戒壇普為四衆

傳授三聚淨戒之所也至正三年寺厄於火壇亦就燬就公來領寺事以興廢起墜為己任之始克哀衆施建大佛殿繼又建三門兩廡及選佛選僧二堂惟戒壇未及興建為費最鉅郡人顧君天祐父子者嘗與就公論道而有契焉慨然樂為之造乃損金穀購木石卜吉而庀工始於十一年正月日至明年十月而訖工竊惟就公務隆祖道載揚宗風圓機應人能無留礙而顧君宿植德本雅慕真乘於世有為一無吝惜宜乎茲壇之建以壞為成有所不難也張

氏以寺為軍器局明洪武四年重建立僧綱司仁和縣志天啓間燬顏生宣法師及里人

王兆京等捐資募建

國朝雍正十一年重修大殿天王殿

天長淨心寺 成化杭州府志在仁和北壁後洋街

今竹竿巷

咸淳臨安志晉天福四年錢氏建舊名天長

宋大中祥符元年改賜今額武林梵志南渡後析
其地為軍寨咸淳元年興復元季燬明景泰間重
建

國朝順治癸巳顧大觀等重修大雄寶殿庚子陳爾琳

姚元瑛建彌陀殿白衣觀音殿康熙五年兵備道
熊光裕建賜予觀音天醫真君殿

大中祥符律寺 嘉靖仁和縣志在祥符橋祥符寺

紀略梁大同二年鮑侃捨宅名發心院唐貞觀中
易名衆善神龍元年改中興三年復改龍興武林
梵志宋南渡初斥為軍器所元初仍建寺至正末

燬明洪武間重建

蘇軾祥符寺上元觀燈詩紗籠
擎燭迎門入銀葉燒香見客邀

金鼎轉丹光吐夜玉珠穿蟻鬧連朝波翻焰裏元
相激魚舞湯中不畏焦明日酒醒空想像清吟半

逐夢
魂飄

國朝康熙間里人于國樑損貲同僧得中復建

潮鳴寺 兩湖塵談在郡城東北寺三面皆水水之

外皆菜畦而寺獨踞其中成化杭州府志梁貞明

元年錢氏建名歸德院宋高宗南渡駕幸寺夜聞

潮聲遂賜額潮鳴有御書詩刻石立於寺東廡宋高

宗御書詩野寺參差落張痕疎林歌倒舊
霜根扁舟一棹向何處家在江南黃葉村 兵燹後

重建明洪武二十四年立為叢林

謹按此詩載東坡集中
舊志作高宗御製者誤

廣壽慧雲禪寺 咸淳臨安志在艮山門內白洋池

宋張循王之孫鎡捨宅為寺紹熙元年賜今額成
化杭州府志俗呼為張家寺有留雲亭白蓮池武
林梵志元至正間燬明洪武十七年僧文副重建
永樂九年永忠宣德間廣睿弘治元年福海相繼
重建

白蓮寺 仁和縣志在平安坊僊林橋武林梵志石

晉開運元年吳越王建名華藏院宋治平間改妙

惠院

咸淳臨安志白蓮慈雲院嘉泰中重建

咸淳間僧祖顯誦經

持戒地產白蓮因賜白蓮妙惠寺額

陸游慈雲院東

憲小憩詩橫閣院東偏脩然拂榻眠香濃煙穗直茶嫩乳花圓巖倚圓圓桂筒分細細泉憑

誰為題版榜作小壺天

國朝康熙十四年燬僧瑞光朗超相繼募建大殿未就

僧逸林於五十年間重構落成

長明寺 萬厯杭州府志在章家橋東宋開寶初錢

忠懿王建名法燈治平初改今額元庚子年燬明
洪武十八年重建武林梵志弘治十五年僧如塤

建萬厯庚戌葺治一新

興福寺 成化杭州府志在仁和縣同德坊

今義同坊斜橋

宋紹興初左丞薛昂以花藥圃施僧築菴曰擇勝
續剏寺宇請龍山已廢興福院額今為叢林仁和
縣志寺內大雄殿名無塵殿明末天王殿延燎無
塵獨存

國朝順治間僧王涵重建天王殿

七寶寺 咸淳臨安志在鹽橋東梁貞明七年錢氏
建舊名上方多福宋大中祥符初改賜今額寺有
六游堂臨輝閣

靈芝崇福律寺 武林梵志在東花園崇新巷俗稱
蠟燭菴唐貞觀己酉年郡人施光慶捨宅建名實
際院宋佛印禪師重興元季燬元統間僧妙通重
建明洪武二十四年立為叢林萬厯壬寅僧如堯

重修

劉基宿蠟燭庵後上人房詩城外春江動客愁江邊細草綠悠悠還將短髮臨岐路畏向

東風憶舊遊斜日遠天歸雁急薄雲孤館落花稠青燈不放還家夢一夜腸回一萬周

慧林寺

杭州府志在蒲場巷宋紹興初汴僧惠林

禪師隨駕來抗建興國院後改今名元至正間燬明洪武初重建

國朝康熙間僧然亮重修

報國院

仁和縣志在東里坊慶春門內咸淳臨安

志舊為香林廨院宋紹定間移請今額淳祐五年

重建杭州府志明天啓初燬

國朝順治間重新石雨禪師說戒於此

蓮居菴 武林梵志在土橋東古延壽菴址燬於兵
明萬曆六年里人虞淳熙建懺室而加拓之吳從
先改額為蓮居

佛惠寺 成化杭州府志俗呼壽火星庵在仁和縣
義和坊元大德間建名佛惠後燬明景泰間重建
悟空寺 武林梵志在淳祐橋東晉天福七年僧齊

教建名崇新院宋大中祥符改額淳祐六年法昌
重修元末燬明永樂元年德無重建

相國寺 萬厯錢塘縣志在淳祐橋東北武林梵志
南齊建唐時燬為鄭景宅園唐景雲初僧慧購為
寺唐睿宗由相王即位賜名相國元末燬明洪武
初僧大雲重建置僧綱司於內正德八年僧東明
重修

覺苑寺 嘉靖仁和縣志在豐樂橋東宋嘗徙三聖

廟於此改賜額曰旌忠廟武林梵志寺久廢明宣
德中重建

崇寧萬壽教寺 明一統志在府城南二里武林梵
志俗呼姚園寺在高陽閭巷宋初為姚氏花園紹
興初僧慈昌購園結菴乾道初賜額淳祐二年建
膺福殿以奉理宗御容元季燬明洪武初僧大雲
重建

國朝雍正十二年重修

慈雲寺 慈雲寺志在羊市巷東花園側唐相國李

長源興元元年開井建寺題名甘露周顯德二年

僧圓覺建名慈濟宋大中祥符二年公主清裕修

光明懺感白鸚翔雲異瑞真宗賜額慈雲武林梵

志明洪武二十四年立為叢林沙門延禮重修嘉

靖二十年燬僧圓鼎重建

吳川先遊慈雲寺詩水綠山青列上方苔深竹

暗野花香赤松亭下消餘暑惟有甘泉徹骨涼四
圍秋色靄慈門百堆城頭遠白雲莫說蕭然無法

侶幽禽危
石共為羣

金剛廣福教寺 錢塘縣志在板兒巷武林梵志後

唐天成間善果法師肩負金剛懃息於此夜放光明陳少師感異捨地為寺初名功德院宋寶祐間理宗賜今額元至正末燬明洪武十八年重建萬曆辛亥僧常秀重修

慈光寺 武林梵志俗稱鐵佛寺在錢塘芝松坊佑聖橋西晉開運初晤恩禪師建宋寶慶三年名張府功德庵元至正燬明正統間重建萬曆壬子撤

圮殿新之

吳川先重建慈光寺碑記武林慈光寺有彌勒尊佛以鐵鑄之俗稱鐵佛寺晉

天福間昭恩禪師卓錫於此開運初御書慈光普照四字顏其門法席之盛甲於通都宋寶慶三年清河郡王張魏公復捨基拓而充之元至正燬明正統立中成師重建寺有合抱銀杏五株及放光古井皆宋物井甚甘冽大旱不涸咸稱為慈光甘露泉云殿後漸圮寺僧慧鰲矢志鼎新萬曆甲辰鳩工壬子落成其間助成者僧智能護法宰官則中丞金學曾太守凌登名孝廉吳之鯨等贊襄則王介朱佐沈坤戴倫張永年而與會有俞普才者助義田供常住為大殿四時香燈之費噫一念堅持衆緣俱到信非誣矣因書殿額為標而錫之以記

真教寺

萬厯錢塘縣志在西文錦坊南杭州府志

元延祐間回回喇卜丹所建內有明永樂勅諭碑
景泰中復葺

國朝順治三年總兵蘇見樂衢州府知府韓養淳重修

慧安寺 杭州府志在十三灣巷吳越王建於草橋

門外明洪武初移於保安坊東永樂間又移今所

開元寺 嘉靖浙江通志在府治南清平山麓武林

梵志唐玄宗時建宋建炎間徙建於西湖元季兵

燹復徙故址

徐凝開元寺牡丹詩此花南土知難
種慙愧僧閒用意栽海燕解憐頻脾

脫胡蜂未識暫徘徊虛生芍藥徒勞妬羞殺玫瑰不敢開惟有素苞紅萼在含芳只待舍人來

寶奎寺

兩湖塵談在吳山下宋丞相喬行簡故第

萬厯錢塘縣志內有寶月樓見滄巖

洪鐘寶奎寺記錢塘七寶

山在吳山之右宋理宗朝丞相喬行簡宅於山麓寶慶丙寅駕幸其地登山東顧江海濱渤御書見滄二字以紀勝并刻崖石迄今見存行簡罷相捨宅為寺寺獲宸翰因題曰寶奎

武林梵

志元季季燬明弘治間重建成化時寺跡瓜分僧道

澤重建

國朝雍正七年因大殿久圯里人汪兆璿潘兆新同僧

志仁募建

宗陽宮 成化杭州府志在新宮橋東宗陽宮志即

宋高宗之德壽宮也淳熙中更名重華咸淳間改

為道院賜今額萬厯杭州府志元初燬於兵延祐

間杜南谷真人重建至正末燬明宣德間重建

宗陽

宮志宮內有飛來峰登瀛橋太液泉玉蘭居子昂碑及宋賜青銅古鐘白玉笙鐵笛水晶扇辟塵爐

等物古蹟有通明殿玉籟閣藥簡樓道德講堂杭長生殿老君臺卧雲樓得月軒壺隱橋隱諸勝

州府志成化間道士沈復純重建

楊載老君臺玩月分韻詩老君

臺上涼如水坐看水輪轉二更大地山河微有影
九天風露寂無聲蛟龍並出承金榜鸞鳳雙飛載
玉笙不信弱流三萬里此身今夕到蓬瀛張昱和
楊仲弘詩當時諸老宗陽會月與浮雲幾度更丁
令豈知為鶴事道人猶作賣花聲天濤露色閒蟾
鏡秋送商音入鳳笙誰道紫薇垣內客今宵又復
到蓬瀛

國朝康熙間燬住持徐尚麟復初雍正八年總督臣李

衛倡率募修

開元宮 咸淳臨安志在泰和坊內宋寧宗潛邸嘉
靖仁和縣志嘉泰元年詔改為開元宮在秘書省

元為中書省至元二十八年省與宮並燬因兼宮

地作省時董得時主宮事購故宋理宗端孝公主

第為宮正清湖橋西

虞集開元宮碑杭故有開元宮唐開元中刺史陸彥恭用

詔書所作乾符戊戌毀於火後五十九年吳越文穆王復其舊其臣林鼎記之宋景德丁未勅改景

德觀後十六年有以私財修之者進士陳戴記之然俱不復存嘉泰甲子寧宗以其潛邸為今宮復

賜名開元宮在秘書省之左紹定辛卯復燬於火又重作之廣以大宗正司故基賜田七十九頃度

道士十四人以居至元十三年行中書省杭州即故秘書省為署二十八年火省及宮俱毀省故隘

庠不足稱大藩之容觀取開元地拓之出金助開元主者董君得時及令真人購故宋公主第以為

宮公主理宗女有司護作唯恐故規制工伎甲於當時至是易其檐楹門陛榜署因加表飾設額位被服以象其天神帝仙人之屬隆隆然湛湛然真神宮殊庭矣至治初民火延燎

住持王延壽改作之內有清風堂介春堂明成化

初割遺址之半為三學射圃重建宮於其後

黃潛開元

宮詩誰使藏舟一夕移紅樓翠幕未全非曾聞帝子乘鸞去疑有仙人化鶴歸烟還月明瑤草歇石壇露冷碧桃稀赤闌橋畔多時立閒看楊花作雪飛

佑聖觀 成化杭州府志在錢塘興禮坊內宋孝宗

為普安郡王時外第也淳熙三年詔改為道宮紹

定間重建賜額曰佑聖

孝宗常題杜甫詩句於壁云富貴必從勤苦得男兒

須讀五車書理宗入書全篇於東宮廳之屏

元大德七年燬是年重建

改為觀元季兵火此觀獨存

西湖游覽志內有洗竹亭七葉坡禮經筵

夢雲樓清暑檐種藥畦馭鶴臺吹笙石冬青選洗藥井井上八稜石欄蓋開元宮浴鵲池故物也上

刻虞伯生天一泉銘萬厯錢塘縣志觀內有宋理宗像趙孟頫書碑

國朝初年凡遇慶賀節皆於此習儀上供

萬壽龍牌傍設兩廡前有天王殿丹墀東西建鐘鼓二

樓外置櫺星門西有九皇四將三清雷祖天師等

殿後有玉皇閣順治十二年設置火藥局不戒於火其三清四將等殿皆燬康熙五十二年

欽頒道藏供奉殿內雍正七年移供聖因寺

三茅寧壽觀 西湖遊覽志在七寶山本三茅堂宋

紹興二十年因東京舊名賜額曰寧壽壽觀并畀古

器

咸淳臨安志其一宋鼎宋武帝孝建元年八月作其二唐鐘本唐澄清觀舊物其三褚遂良小

楷陰符經

燬於元至元辛巳明洪武初重建成化十年

建吳天寶閣

商輅寧壽觀記吳山左臨大江右瞰西湖蜿蜒盤礴為一郡勝槩有三茅

寧壽觀直七寶峯之巔殿宇深邃實歷代祝釐之所太監李義奉勅鎮浙公務之餘間此登覽因睹寥陽殿左隙地宜增飾輪奐遂捐已貲市材僦工鼎建昊天寶閣上奉元穹聖像下列祐聖真君像皆備極莊嚴以至鐘鼓香花凡供神之物靡不悉具若乃堆堞前環層巒後拱波濤浩渺潮汐吞吐至此使人神情開暢座慮消釋此閣之形勝即觀之形勝覽者當自有得予不備書錢塘縣志嘉靖間賜道藏改稱吳山佑聖觀戊午總督胡

宗憲改三清殿為元武正殿萬曆三十六年賜道

藏經一部

薩都拉三茅觀詩楊子江頭春水漲三茅觀裏碧桃開道人不知天南北夜半

月高騎鶴來王冕三茅觀詩層巒開選隱空青勃率柴跼眼力生蘿磴曉風留宿雨石林寒竹動秋

聲城隍下瞰紅塵海樓閣高標白玉京夜靜何人
吹鳳管碧桃千樹月華明田藝蘅遊三茅觀訪鄭
鍊師詩小隱居城市悠然寄一丘青山同入定黃
葉自驚秋湖影搖晴榻鐘聲度曉樓丹砂何日就
期爾在元洲

通玄觀 萬厯錢塘志在馨如坊宋紹興間建蛻菴

集注內侍劉教修真結菴於此高宗御書通玄二
字榜之西湖游覽志明嘉靖間法師徐道彰重修

虞元良重修通玄觀碑記瑞石山通玄觀宋紹興
壬午都錄少師鹿泉真人劉教之所建也教高宗
內侍志慕玄玄乞為道士高宗賜名能真榮之爵
號俾主寧壽觀真人嘗夢三茅君乘鶴至瑞峯之

陽旦而見三鶴飛翔夢所良久乃去明年是日鶴
至如初真人感之請於高宗爰建殿以祠三茅又
立三清殿於山巔後列謁斗臺望鶴亭及道流樓
鍊之室高宗命曰通玄書額賜之是為觀之始也
元道士俞行簡重修有貫雲石虞伯生張仲舉諸
公贈詩存焉元末兵火殿宇為墟古像不燬人異
之皇明成化庚寅道士徐淵澄與其徒徐道彰即
舊址興建盡出已資人亦樂相焉琳宇崇麗玉像
精嚴碧瓦鱗次瑤階肪截盤磴曲欄嘉木秀合於
是通玄之勝殆不知在闕闔中矣道彰之孫郁存
方善繼先志嘉靖庚寅觀復災惟三清殿力救僅
免復加修治堅完輝潤曲盡心力倚山為宮嵐濤
蒸溢懼其易壞也撫柱階垣悉用貞石坊甃孔固
石崖瑩密特異他山舊刻宋高宗詩三茅君鹿泉
像及諸名人題志又增刻元一像而修飾之位置
有法皆存方規畫也虞集通玄觀贈俞行簡法師

詩仙壇遙接上真宮吳越江山一望中南北兩峯
雲杳靄東西三澗雨溟濛經聲旋動仙音作樓閣
縈迴複道通雲鶴仙人無定跡颺輪時帳望三峯
貫雲石通玄觀詩道跡復忘形丹成養性靈精誠
動神鬼呵叱走風霆鶴去松雲滿龍
歸雨氣腥送師歌短曲涼吹襲江亭

玄妙觀 西湖遊覽志在石龜巷咸淳臨安志唐時

為紫極宮梁開平二年改真聖觀宋天禧三年郡
守王欽若奏徙天慶觀額於此紹定四年燬有旨
重建御書天慶之觀四大字以賜錢塘縣志元改
今額後燬明正統間重建

寶極觀 嘉靖仁和縣志在觀橋西北元延祐五年
道士張無為建仁和縣志舊名玄元菴明永樂間
真人周思得扈駕北征有功既沒其徒請大其庵
制可因賜今額中有張三丰遺像

洞真觀 仁和縣志在夾道巷宋紹興間建元至順
辛未道士顧石菴修葺明初王守中開拓殿廡成
化丙戌燬住持何志遠相繼修葺煥然改觀

顯真道院 成化杭州府志在東里坊慶春門裏宋

建炎三年王慶捨地建元季燬明洪武間重建正
統間增葺

國朝雍正八年住持金三允重建

紫陽菴 西湖遊覽志在瑞石山宋嘉定間邑人胡

傑居此建集慶堂元至元間道士徐洞陽得之改

為紫陽菴

兩浙名賢外錄錢塘瑞石山道士徐弘道常感張平叔住山傳訣故菴名紫陽

萬曆錢塘縣志元丁野鶴坐化於此遺蛻尚存錢

塘縣志明方伯史繼宸范涑重修

國朝雍正十二年總督臣程元章奉

勅重修

重陽菴 重陽菴志在吳山之右唐開成間道士韓
道古結茅以居相傳行至洞口見青衣童子問之
不應良久入洞遂之不見聞風雨聲毛髮悚慄而
出元大德間西川道士丹無為雲遊至浙因觀青
衣巖洞遂蓋三清寶閣元帝聖殿明洪武二十四
年立為全真叢林丙子道士鍾道銘募緣重建成

化十一年住持梅道暹撤舊新之

張雨遊重陽菴詩仙家亦自有

仙山幾度來遊問大還松掩洞門人不
到數聲清磬落人間峭壁層崖紫翠深
松蘿垂洞晝陰陰青衣本自蓬萊客天
上人間何處尋

錢塘縣

城外寺觀

聖因寺 在西湖孤山之陽康熙四十二年

聖祖仁皇帝省方南巡兩浙官民欣忭愛戴恭建

行宮以為

駐蹕之地雍正五年巡撫臣李衛奏稱

行宮間設湖濱無以展臣子誠敬之思請改為佛寺朝夕焚香頂禮祝頌

聖德神功於萬世奉

旨准行

欽定寺名

御書聖因寺額又

御題澤永湖山四字謹於寺中萬歲樓崇奉

聖祖仁皇帝神御龍牌俾萬世臣民恭敬瞻仰雍正十一

年

特命悟修禪師明慧來主方丈焚修徒侶常數百衆官

給膳田以供齋鉢十二年

御書慈雲徧覆額奉懸大殿

昭慶律寺 西湖遊覽志晉天福間吳越王建宋乾

德二年重修太平興國三年建戒壇於寺中

客越志昭

慶寺舊為浙西叢林第一設戒壇每歲上巳推高
臘者一人登座說法雲水携錫來受戒者無慮千萬

南渡後以其地為策選鋒軍教場尋復為寺元末

燬明洪武初重建成化間燬雲水僧廣慎復營之

錢塘縣志嘉靖間燬於海寇都御史胡宗憲重建

隆慶間復燬新都汪道昆募建萬曆三十五年勅

賜銀一千兩助建崇禎庚辰復燬

陳堯佐昭慶寺詩湖邊山影裏

靜境與僧分一榻坐臨水片心間對雲樹寒時落葉鷗散忽成羣莫問紅塵事林間肯暫聞

國朝順治間重建康熙四十年燬五十二年將軍諾羅

布重建

保叔寺 武林梵志古名崇壽院一名聖壽禪寺在

寶石山上宋開寶中吳越相吳延爽建內有九級

浮屠名應天塔又呼保叔塔

武林舊事咸平中僧永保修故名西湖遊

覽志明弘治間雷震塔漸圯正德九年僧文鏞重建又建西方殿於塔後嘉靖元年塔燬二十三年

僧永果重建

大佛寺 客越志在寶石山麓湖塢雜記石佛半身

相傳為秦始皇纜船石武林梵志宋宣和中僧思

淨者當兒時見之作念曰異日出家當鑄此石為

佛及長為僧妙行寺遂鑄石為像飾以黃金構殿

覆之遂名為大石佛院元至正間院燬佛像亦剝落明永樂間僧志琳重建勅賜為大佛禪寺弘治

四年僧永安重修寺畔有塔俗稱壺瓶塔

李攀龍大佛寺

詩西湖斜日淨風烟北嶺宮堯出半天磴道乍從雲外轉樓臺已入鏡中懸塔分西域銅瓶勢石記秦皇錦纜年白社但須彭澤酒青山不用華家泉波搖玉樹堪雙映月上珠林好獨眠我輩自狂君莫訝平生未敢謬周旋

瑪瑙寺

杭州府志在葛嶺東一名寶勝寺咸淳臨

安志石晉開運三年錢氏建治平二年賜額西湖遊

覽志宋大中祥符間僧智圓重修淳祐八年安撫

趙與簋重修元末燬明永樂間重建

張雨宿瑤瑞寺詩一宿葛

洪丹井上化為蝴蝶夢魂清湖田涼蛤四散吠烟寺晚鐘相逐鳴孤嶼橫生為玉几初陽煥爛似霞

城竿舟人向水雲去

聽我風篁雪竇聲

智果寺 成化杭州府志在葛嶺上咸淳臨安志石

晉開運元年錢氏建宋元祐中郡守蘇軾重建法

堂有題梁有參寥泉西湖遊覽志舊在孤山宋紹

興間徙建北山有泉適出好事者仍名參寥泉以

志舊蹟元末燬明洪武初僧可祥慧炬重建其梁
自孤山移置

招賢律寺 咸淳臨安志在葛嶺下唐德宗朝郡人
吳元卿為六宮使棄官叅烏窠禪師建菴石晉開
運三年錢氏建院名招賢院宋治平二年改禪宗
院寶祐三年重建法堂成化杭州府志元末燬古
殿獨存

國朝康熙十五年僧起綱重建名清隱庵

鳳林寺 錢塘縣志在葛嶺西俗稱喜鵲寺西溪梵
隱志唐烏窠禪師道場武林梵志明宣德間僧如
月重建勅改今名

護國仁王寺 咸淳臨安志初慧開禪師休糧禪定
於隆興黃龍峯所至禱雨輒應孟珙為捐金買地
建寺宋淳祐五年賜今額西湖遊覽志元至正末
燬明洪武初僧祖吉重建錢塘縣志嘉靖間僧明
貴重修

勅賜清漣寺 十國春秋石晉天福三年吳越王元瓘

建咸淳臨安志舊名淨空院宋理宗賜御書玉泉

淨空之院六字錢塘縣志內有細雨泉觀音殿名勝

志玉泉方池畝許清澈可鑑畜五色魚數十頭歲
游泳如畫寺內有翠微閣眠雲堂洗鉢池諸勝

久寺圯明萬厯間邑令鼎心湯復之為署晴空細

雨額王世貞玉泉寺詩寺古碑殘不記年清池媚
景且流連金鱗慣愛初斜日玉乳長涵太古

天投餌聚時霞作片遊人深處月初弦
還將吾樂同魚樂三復莊生濠上篇

國朝康熙三十八年

聖祖仁皇帝南巡駕幸寺中

賜名清漣寺

御書寺額

賜金剛經一部大士像一尊

法相寺 萬歷杭州府志即法相院在南山咸淳臨

安志石晉天福四年吳越王建舊名長耳寺宋大

中祥符九年改今額錢塘縣志明萬歷三十五年

邑令聶心湯修

樊良樞人日遊法相寺詩空山清寂迴藏春秋底風烟傍客身濟勝

百年誰是主
登高此日又逢人
華龕雲蔭松谿冷
日竇泉香竹閣新
且欲從君歸白社
何妨載酒往來頻
徐爾鉉訪法相西
上人作見示次韻
酬贈詩卜築孤凭
夕壁間靜中詩想
幾曾刪臺前歸鳥
如相識窗外浮雲
即等閒一徑野花
常到眼十年清夢
不離山我來共對
飛泉下日落松鳴
去復還

虎跑禪寺 虎跑寺志在西湖南山唐元和十四年

寰中禪師結菴於此感二虎跑山泉源湧沸故稱

虎跑憲宗賜額廣福院宣宗大中八年改額大慈

禪寺僖宗乾符間勅加定慧二字宋寶祐初僧至

惠結屋以居宋末兵燬

咸淳臨安志祖塔法雲院舊名資慶大中八年改名

大慈開運二年改仁壽太平興國六年改賜
今額王十朋蘇詩注祖塔院今虎跑是也
元初

僧克符重建結草庵於故址元季僧寶山一新棟

宇明洪武二十四年立為叢林名虎跑禪寺錢塘

縣志嘉靖十九年燬二十四年僧永果重建

蘇軾
廟中

游祖塔院詩紫李黃瓜村路香烏紗白葛道衣涼
閉門野寺松陰轉歌枕風軒客夢長因病得閒殊

不惡安心是藥更無方道人不惜階前水借與匏
尊自在嘗鼎大年虎跑寺和東坡詩於菟跑地泉

水香醖醑入口甘露涼龍吞滄海軍持滿僧入翠
微山路長乾坤萬古有清氣鐘鼓數聲聞下方料

泉煮茗作清供我眉老仙曾共嘗孫一元同流時
東吳介夫僧古心遊虎跑寺泉詩長日尋幽處穿

林興不窮把杯秋寺裏得句野泉中山路晴
吹葉石梁晚度風有僧同杖履更洗世情空

國朝康熙二十八年三十八年

聖祖仁皇帝南巡兩幸寺中

賜金剛經一部雍正九年總督臣李衛重修

龍井寺 西湖遊覽志在風篁嶺唐乾祐二年建名

報國看經院宋熙寧中改壽聖院蘇軾書額紹興

三十一年改廣福院淳熙六年改延恩衍慶寺咸淳

臨安志寺有山溪亭人名二老德威亭歸隱橋方
圓菴寂室照閣開堂衲齋潮音堂滌心治獅子峯

石薩掩元豐二年辯才禪師自天竺歸老於此與蘇

子瞻趙閱古友善後人因建三賢祠祀之明弘治中

寺廢萬厯間司禮監孫隆命僧真果重建孫一元龍井寺

詩眼底閒雲亂不開偶隨麋鹿入雲來平生於物
原無取消受山中水一杯屠隆遊龍井寺詩藕花
菱葉傍輕鷗路入南山景更幽赤日未消團扇暑
青蘿先到寺門秋風前萬樹蟬鳴急雨後千崖水
亂流好事祇今劉尹
在身慙元度得同遊

國朝康熙間僧一泓重葺

崇恩演福禪寺 西湖遊覽志在風篁嶺俗稱南天

竺隋開皇中法師貞觀居之宋淳祐八年賜今額
為教院咸淳四年改禪院元至元後復為教院學
徒甚衆號為教海至元中燬至正初重新後有無
垢院已併入寺有白蓮華院在玉几峯側有安養
寺本澤雲夢塔院有佛海塔院有樓曰夕佳至正
末燬惟院與樓存

淨慈禪寺 神州古史攷在南屏山淨慈寺志荆自
周顯德元年吳越忠懿王號曰慧日永明院西湖

游覽志衢州道潛禪師居之作羅漢堂宋建隆初
禪師延壽作宗鏡錄一百卷遂作宗鏡堂太宗改
賜壽寧院南渡時燬而復興僧道容實鳩工焉五
歲始成塑五百阿羅漢以田字殿貯之紹興九年
改賜淨慈報恩光孝寺額既而復燬孝宗賜金成
之御書慧日閣嘉泰四年復燬嘉定十三年復建

明洪武間燬僧法淨建正統間燬僧宗妙建

蘇軾
病中

遊淨慈寺謁本長老周長官以詩見寄仍邀遊靈
隱因次韻答之卧聞禪老入南山淨掃清風五百

問我與世疎宜獨往君緣詩好不容攀自知樂事
年年減難得高人日日閒欲問雲公覓心地要知
何處是無還白珽淨慈寺詩奎額胎回龍屈盤八
門已覺塵寰何當白髮三千丈來寄清風五百
間帝子銓搖金漱灑家人卦別翠孱顏西湖日日
船如織半在南屏第一山王守仁卧病淨慈寫懷
詩卧病空山春復夏山中幽事最能知雨餘塔下
泉聲急夜靜松間月色遲把卷有時眠白石解纓
隨意濯清漪吳山越嶠俱
堪老正奈燕雲繫遠思

國朝順治間僧正品重加修葺康熙三十八年

聖祖仁皇帝南巡

賜御書淨慈寺額又

御書西峯二字并對聯一副金剛經一卷心經一卷三十

九年寺門及鐘樓燬四十六年奉

勅重修四十九年工竣

御製重修淨慈寺碑記

恭紀
首卷

勒石寺中雍正八年總督臣

李衛恭建

御碑亭於山頂重建湖南佛國震旦靈山二坊濬萬工池
構慶芳橋雍正十二年奉

旨重修并修永明堂院

雷峯塔

武林梵志在淨慈寺前西湖游覽志吳越王妃於此建塔始以千尺十三尋為率尋

以財力未充姑建七級後復以風水家言止存五級俗稱王妃塔以地產黃皮木遂訛為黃皮塔

集慶講寺

癸辛雜識宋淳祐庚戌創新寺於西湖

之積慶山改九里松舊路輪奐靡麗壬子夏始畢

工穆陵宸翰賜名顯慈集慶教寺命講師思誠為

開山教主既而給賜貴妃閻氏為功德院武林梵

志寺有三池九井月桂亭金波池善法堂並廢猶

存理宗御容一幅燕遊圖一幅後改顯慈集慶講

寺明正統間廢嘉靖年中貴鄧文鎮召僧焚修仇遠

宿集慶寺詩半生三宿此招提眼底交遊更有誰
顧愷漫留金粟影杜陵忍賦玉華詩初烹紫筍猶
含籜自摘青茶未展旗聽徹洞簫清不寐月明正
照古松枝張志遠集慶寺詩參差紅樹倚晴空柳
栗行吟度晚風忽憶翠華臨幸處滿山黃葉寺門東

勅賜雲林禪寺 靈隱寺志在武林山晉咸和間西僧

慧理開山山門榜曰絕勝覺塲正殿曰覺皇寶殿
為宋理宗御書厯五季隋興廢莫考唐大厯六年
修會昌廢教寺毀吳越錢王重為開拓殿宇一新

建石幢二咸淳臨安志舊名靈隱景德四年改景

德靈隱禪寺武林梵志明初改靈隱寺

宋之問遊靈隱寺詩

驚嶺鬱宮堯龍宮鎖寂寥樓觀浴海日門對湖江
湖柱子月中落天香雲外飄捫蘿登塔遠剝木取
泉遙霜薄花更發冰輕葉未凋風齡尚遐搜對
滌煩覓待入天台路看予度石橋賈島蚤秋天竺
靈隱寺詩案前案後寺新秋絕頂高窗見沃州人
在定中聞蟋蟀鶴曾棲處挂獼猴山鐘夜度空江
水汀月寒生古石樓心欲挂帆身未遂謝公此地
昔曾遊林逋同運使遊靈隱寺詩山聲氣相合旦
暮生秋陰松門韻虛籟鐘若鳴瑤琴舉目羣狀動
傾耳百慮沉按部既優游時此振衣襟泓溢冷泉
色瀉我清曠心飄颻白猿聲答我雅正吟經臺復
丹井捫蘿密徧臨鶴蓋青霞映玉趾蒼苔侵溫顏

照稿木真性訝幽禽所以仁惠政及物一一深洒
翰嶙峋壁返駕旃檀林回睨窳堵峯天半千萬尋
蘇軾禱雨宿靈隱寺詩百重堆案掣身間一葉秋
聲對榻眠床下雪霜侵戶月枕中琴瑟落階泉
崎嶇世味嘗應遍寂寞山樓老漸便惟有
惘農心尚在口占雲漢更茫然

國朝順治十五年大殿燬僧弘禮重建康熙二十八年

聖祖仁皇帝南巡幸寺

勅賜雲林寺額

御製五言詩一首

恭紀
首卷

三十八年

聖駕再巡奉

太皇太后鑾輿重至雲林

賜金佛一尊香金五百兩

御製過鷲峯七言詩一首

恭紀
首卷

御書禪林法紀四字額並對聯一副四十二年四十四年

四十六年皆蒙

巡幸奉

賜御書金剛經一部心經一部永鎮靈山雍正六年總督

臣李衛倡修大雄寶殿及天王殿并堂宇樓閣煥

然一新十三年奉

旨豁除寺山糧額

神尼舍利塔

靈隱寺志在飛來峯
頂隋仁壽二年建

北高峯塔

靈隱寺志在北高峯頂唐天
寶中建高七層藏古佛舍利

韜光菴

萬曆靈隱寺志在靈隱山

巢溝
鵲內

以韜光禪

師得名石晉天福間吳越王建改名廣嚴菴宋大

中祥符間復改今名

白居易長慶四年正旦請韜
光齋詩白屋炊香飯葷羶不

入家濾泉澄葛粉洗手摘藤花青芥除黃葉紅藍
帶紫芽命師相伴食齋罷一甌茶楊蟠韜光菴詩

瘦藤挂到古韜光分得山房半榻涼白髮老僧從
定起斷雲漠漠護殘香陸圭韜光菴詩雨過山頭
夜氣清天風吹下步虛聲道人酒醒推窗看月在
琅玕節上明施閏章遊韜光菴和白香山詩丹閣
仙人宅香臺拂子家嵐深晴作雨樹老晚成花磻
口齊藤葉牆根過筍芽聽泉從日暮自煮白雲茶

下天竺寺 咸淳臨安志在縣西一十七里隋開皇

十五年僧真觀與道安建號南天竺唐永泰中賜

天竺靈山寺額宋大中祥符初改賜靈山寺天禧

四年復天竺寺額紹興十四年改賜天竺時思薦

福寺額慶元三年復元額為天竺靈山之寺寶祐

二年賜天竺靈山教寺額錢塘縣志元末燬明洪

武間重建

李白與從姪良遊天竺寺詩挂席凌蓬邱觀濤興揮樓三山動逸興五馬同遊

遊天竺森在眼松風颭驚秋覽雲測變化弄水窮清幽疊嶂隔遙響當軒寫歸流轉成微雲月佳趣

滿吳洲釋道潛與愚上人宿天竺詩夕陽山氣靄

惹蔥路轉松陰復幾重行過石橋入未見敷聲先

聽寺樓鐘磬留峯北好林泉珍重幽棲得所便栢

子香中能宴座想無餘習好攀緣霜壓簾櫳雪泣

條銀河初轉斗垂杓清言共失三更夢錯恨芙蓉

漏易消馬臻陪葛元白仇仁近訪南竺詩僧分韻

得影字詩花開空山春窮幽到絕頂入寺逢遠公

頓覺塵慮屏遂作蓮社遊把酒酌龍井萬生各有

態得意還白領此樂殊未極落日倒林影明朝下

山去笑別風篁嶺張翥遊天竺寺詩石梁澌水濕

蒼苔陰洞傍穿澗底回殿閣金銀從地湧山林圖
畫自天開龍隨僧到分雲作猿認人呼下樹來遊

興未闌斜日盡馬
頭呼酒尚徘徊

國朝康熙三十八年

聖祖仁皇帝南巡幸寺

勅賜帑金重修

中天竺寺 神州古史攷在稽留峯北隋開皇十七

年僧千歲寶掌禪師從西土來建咸淳臨安志宋

太平興國元年錢氏復建為崇壽院政和四年改

賜天寧萬壽永祚禪寺南渡初有摩利支菩薩感
應因以禁中所奉佛像賜烏武林梵志元天厯間
改天厯永祚禪寺明洪武初賜號中天竺寺山門
中天竺三字為賈似道署額正德間燬嘉靖二十
五年僧惠鏞募建殿刹并建白衣觀音堂

國朝康熙三十八年

聖祖仁皇帝南巡幸寺

賜帑金三百兩重修康熙四十二年

賜御書靈竺慈緣扁額

上天竺寺

名勝志在北高峯麓

白雲峯下

上天竺山志

後晉天福四年僧道翊結廬山中夜有神光就視
得竒木命孔仁諫刻觀音像會僧從勲自洛陽來
持古佛舍利至因納之頂間妙相具足錢忠懿王
夢白衣人求治其居因感寤乃即其地創佛廬號
天竺看經院宋咸平初郡守張去華以旱迎大士
至梵天寺致禱即日雨自是遇水旱必謁焉武林

梵志乾道七年改院為寺門扁皆御書慶元三年

改天台教寺武林舊事淳祐中賜名廣大靈感觀

音教寺萬厯杭州府志元季燬重建

黃潛重修上天竺觀音殿

記皇元尊象法而上教乘天竺實居江南列刹之首仍紀至元之三年寺燬於火惟聖像巋然獨存諸珍異服器亦無損毫末人以為是有神物陰護之亡何而主僧仲頤告寂慶子思以五年夏五月來莊寺事謂欲復吾故宇莫先於治殿以揭虔安靈者舊僧之意適同各探已索出錢有差知事僧亦力相之俄有大商至自江右獻巨帑六十有三尋收亡僧所遺錢以緡計者五千銀以兩計者七百八十由以畝計者四百既而達官大姓相繼輸錢而施不啻十萬緡於是隨木之值以鳩其材斂

田之人以給其食量緡錢之多寡以總其費殿之始建以其年冬十有二月凡其制為間二十有四修半其舊其崇八尋倍其崇而益尋有二尺以為一而子思以至正二年春遷四明之延慶本無由延慶東堂出領茲山悉力殫慮圖終其役三年春三月殿成潛因備記其廢興顏未來者尚鑒於斯

武林梵志寺有白雲堂

兩峯堂中印堂雲漢閣應真閣延桂閣秋香閣伴

雲閣雙桂軒清華軒靜處齋植杖亭謝屐亭夢泉

亭流虹澗金佛橋琮老橋凝聚泉觀音泉水月池

西方殿雲液池並廢惟白雲堂尚存

蘇軾書辯才白雲堂壁詩

不辭侵曉叩松扉，却值支公久不歸。
山鳥不鳴天欲雪，捲簾惟見白雲飛。
蘇軾雨中遊天竺靈感觀音院詩。
蠶欲老，麥半黃。前山後山雨浪浪。
農夫輟耒女廢筐。白衣仙人在高堂。
釋斯植上天竺寺詩。
古寺寒橋路，鐘聲靜忽聞。
數峯平處合，一水衆谿分。
老樹烟蘿雨，殘燈石塔雲。
閒心寄幽寂，似覺遠塵氛。
仇遠遊上天竺詩。
行過山崩到水涯，尚無紅葉與黃花。
長松夾徑七八里，小市通村數十家。
天竺國雲深，僧雅淡。
草堂洞古，石壺牙。
野翁共酌官壚酒，扶醉歸來及暮鴉。

國朝順治十七年不戒於火，太傅金之後，延僧德水重

建康熙三十六年

聖祖仁皇帝

賜御書石刻金剛經一部三十八年

南巡奉

太皇太后鑾輿幸寺賜帑金五百兩修葺殿宇

御製重修天竺寺碑文

恭紀
首卷

四十二年再幸

賜御書金字心經一軸四十四年再幸建

御碑亭四十六年又幸

賜御書金字藥師經一部并讚

恭紀
首卷

六十一年正殿燬雍

正七年總督

臣

李衛即藏經閣舊址恭建

御書樓一座上供金書法寶中勒碑文九年臣李衛復奏
請重建大殿修葺山門奉

旨動帑興工至十二年三月工竣

御製天竺寺碑文恭摹勒石

理安寺 理安寺紀古湧泉禪院亦名法雨寺在

錢塘縣城西二畝

武林梵志寺在九溪十八澗南
通徐村北達龍井七峯環遠雙

澗合流境地幽勝視
兩峯三竺又一奇矣

吳越錢王建宋理宗時為祝

國泰民安改名理安寺明弘治四年廢萬歷甲午

佛石禪師重建

王穉登訪理安方丈詩廢寺荒蕪已百年卽今結屋更安禪林如支遁堪

棲鶴社似廬山喜種蓮巖畔伐薪嘗易米石邊接竹每供泉詩成盡是雲霞色不數清江與皎然李流芳遊理安寺詩草深沙徑樵夫引苔厚石橋麋鹿行坐久忽聞松籟響此心已敲鏡池清虎窟禪棲二十年飯松煮石看雲眠人來聞道何須問領取泉聲竹色邊

國朝康熙五十三年

聖祖仁皇帝發帑重建

賜理安寺額又

御書石磬正音四字并對聯二副

賜佛像大鐘供器等皆

內府製造雍正五年十一月住持僧實慧奉

御書慈悲自在扁額恭懸藏經樓又

賜曹溪人瑞四字

御製對聯二副奉懸方丈雍正十一年奉

旨重修

永興寺 西溪梵隱志在西溪市杪安樂山下唐貞

觀間悟明尊者開山宋鐵牛印禪師重葺後燬明

斷臂道者增建小庵旋廢萬厯初馮太史夢禎延僧真麟新之手植綠萼梅二本題其堂曰二雪上有樓可遠眺

報先寺 咸淳臨安志在西溪宋建隆二年吳越王建治平二年改報先明覺院西溪梵隱志歲久傾圯明萬厯間里人萬某等重募建佛殿併像飾

龍華寺 萬厯錢塘縣志在柵外一畝西湖遊覽志

舊名龍華寶乘院吳越王以端萼園建

鐵園山叢談錢塘龍

華寺有傳大士真身及藏鼓門槌誦金剛經拍板
與藕絲燈三物昔錢王從姦女雙林取來藕絲燈
乃梁武帝時物也
政和後索入禁內

謹案元世祖本紀至元二十二年僧格言錢塘有
龍華寺宋毀之以為南郊勝地宜復為寺復勅毀
郊天臺建寺焉攷舊
志皆失載今補入

天龍禪寺

天龍寺志在慈雲嶺之南宋郊臺之右

唐天龍和尚開山宋乾德三年吳越王錢氏拓新
宋大中祥符九年改名感業建炎中燬歸然出於
火者木觀音像也特著靈異紹興十三年既置園

丘以淨名為齋宮以感業居從官由此僧徒漸散而寺亦圯元延祐間僧善平精勤恢復泰定三年遷寺舊址之南百步許明洪武初僧行滿重興

天真禪寺 十國春秋舊名登雲臺亦名拜郊臺西湖遊覽志梁龍德間吳越王建武林梵志明成化年毒峯善禪師重建

開化寺 錢塘縣志在月輪山即六和塔院東坡詩注宋開寶三年建太平興國五年改開化寺

六和塔

霏雪錄在龍山月輪峯武林梵志宋開寶三年智覺禪師建以鎮江湖高九級五十

餘丈撐空突兀跨陸俯川宣和中燬紹興二十二年僧智曇重建七級而止塔中有湯思退等彙寫

佛說四十二章經李伯時石刻觀音像嘉靖三年燬萬厯間祿宏重修張翥登六和塔詩江上浮圖快一登望中煙火是西興日生滄海橫外人立青冥最上層潮落遠沙羣下雁樹歌高壁獨巢鷹百年等是繁華盡怕聽興亡懶問僧

國朝雍正十三年八月三十日奉

旨令織造隆昇動支內庫銀兩重建七層并重修開化

寺

雲栖寺 武林梵志在梵村天柱寺旁禪師袞宏伐

茅建菴於此為遠近宗仰後掘地有碑即古雲棲

寺也

釋袞宏雲棲寺記潮江西上行二十里山名五雲先是山巔有五色雲盤旋其上因以名

山而五雲飛集山西塢中經久不散時人異之號為雲棲塢宋乾德五年有僧結庵以居塢多虎僧

至虎輒馴服世稱伏虎禪師者也吳越王錢氏為之建寺而雲棲於是創始禪師一號大扇和尚令

曰雲棲者復古也雲棲居五雲之西徑曲林幽四山圍合荒僻寥落人跡罕至隆慶五年宏行脚南

還愛其岑寂孤行隻鉢趺坐圮壁間環村四十里歲傷於虎者不下二十人宏設瑜伽施津濟之自

是虎不傷人歲旱禱於山而雨靈村民大悅相與鼎新寺之遺址百日而成蘭若外無崇門中無大

殷惟禪堂處僧法堂以奉經律而已宏因與二三同志砥礪力行古道盟而後進犯則必退大都主之以淨土而冬專坐禪餘兼謀論日有程月有稽歲有表凜凜乎使無賴者不得參乎其間雖於法門無大裨益庶幾飭未學之弊以俟後之知識云爾

國朝康熙二十八年

聖祖仁皇帝南巡幸寺

御製五言詩一首

恭紀首卷

三十八年

聖駕再幸

御書雲栖二字扁額又

賜松雲間三字建亭崇奉四十二年再幸

御製七言詩一首

恭紀
首卷

四十四年四十六年又兩次

巡幸寺有大竹一竿

賜名皇竹隨建皇竹亭雍正七年錢塘縣知縣李惺恭修
御書亭

接待寺 咸淳臨安志在湖墅左家橋西宋大觀間

喻彌陀開山錢塘縣志即舊妙行寺彌陀飯僧至

三萬衆故名接待院當時郡移為妙行院元季燬

明宣德二年重建

寺內有雙井號志書泉成化時修郡志開局寺中夏時正云余

修志於此而與泉名適合然其名志書之由已無攷矣

崇禎九年雪關智闇

復鼎新焉

施樞宿接待寺詩梵境忽巍我門前對市河有心弘誓願於此接經過郭近人

聲雜簷高雨氣多規模踰百載猶說喻彌陀聶大年遊妙行寺詩妙行禪寺夾城隈穀雨乾時偶獨來一榻白雲松子落滿園黃蝶菜花開間看物態陰晴變老被鐘聲旦暮催客有可人期不至步隨斜日下

蒼苔

國朝康熙二十六年僧性統重新寺殿四十二年

聖祖仁皇帝南巡

御書聖因二字復

賜御書心經一部心經塔一軸

普明寺 普明寺志在西馬塍寺基乃鄭和王夫人
所捨也唐太宗時創建名普曜院太尉張承士更
建改普明寺後廢宋紹興庚戌僧正岑復建庵曰
普明其徒德謙德茂冶鐵為佛嘉定十三年請復
廢寺之額賜庵為院元末僧若山重葺明天順間
賜額萬歷辛巳火壬子僧朗鑑重建

國朝順治六年洞宗石照開法遐邇嚮風成一大叢席
焉

真寂寺 武林梵志在八都下九菑宋寶慶間建明
萬歷甲寅僧廣印移建瓶窰

明真宮 咸淳臨安志舊在九里松嘉定中建寧宗
御書明真二字萬歷杭州府志今移建錢塘倉北
神霄雷院 萬歷錢塘縣志在上扇二菑西湖遊覽
志宋咸淳間羽士陳崇真者自閩來卜居於此善

雷法因勅建雷院以居之賜號冲素真人六月二十四日郡人雲集設醮捨貲至今不廢

